

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.02.2018թ. թիվ 1807672130 որոշումն անփոփոխ, իսկ վարչական բողոքն առանց բավարարման թողնելու մասին

<<07>> 04 2018թ. 17 11-29887-18/17-4-5276

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վրեժ Սանթրոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Սարթաղ 21 փողոցի 30 տան բնակիչ Վրեժ Սանթրոսյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 26.02.2018թ. թիվ 1807672130 որոշումը՝ նշելով, որ չի կատարել իրավախախտում:

Դիմումի քննարկման արդյունքում պարզվել է, որ վարչական տույժ նշանակելու մասին որոշումն օրինական է և հիմնավոր, քանի որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործման արգելող անսարքությունների ու պայմանների ցանկը սահմանելու մասին>> թիվ 955-Ն որոշման 49-րդ կետի համաձայն՝ հետընթացն արգելվում է խաչմերուկներում, մերձակա տարածքից ճանապարհ դուրս գալիս և կանոնների 50-րդ կետում թվարկված տեղերում, իսկ 50-րդ կետի 7-րդ ենթակետի համաձայն՝ միակողմ երթևեկությամբ ճանապարհներին:

Իրավախախտումն ամրագրած տեսանյութը փաստում է, որ դիմումատուն սեփականության իրավունքով իրեն պատկանող <<FORD>> մակնիշի 35 PF 350 հաշվառման համարանիշի տրանսպորտային միջոցով 15.02.2018թ. ժամը՝ 15:00-ին Երևան քաղաքի Իսակով – Բաբաջանյան - Գետափնյա փողոցների հատվածում հետընթաց է վարում միակողմանի ճանապարհով հոսքին հակառակ ուղղությամբ:

Այսպիսով դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 14-րդ մասի հատկանիշները, ուստի նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 26.02.2018թ. թիվ 1807672130 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վրեժ Սանթրոսյանին և ՃՈ ՏՄՀԽԱ կենտրոն:



Ե.Կարապետյան